



## RESOLUCIÓN

**Asunto:** *Solicitud de acceso a información pública*

**Interesado/a:** *Miguel Angel González Delgado*

**Procedimiento:** *PR100A*

Vista a solicitude de acceso á información pública presentada o 4 de outubro de 2018 por Miguel Ángel González Delgado, con DNI núm. 32413124Y e domicilio aos efectos de notificación na rúa Juan Castro Mosquera, 28, 2º, 15005 A Coruña, que deu lugar ao inicio do procedemento para o exercicio do dereito de acceso a información, dítase a presente resolución en base aos seguintes,

### FEITOS

PRIMEIRO- O 4 de outubro de 2018, Miguel Ángel González Delgado presentou un escrito de solicitude de acceso a información pública relativa a campaña publicitaria do día de Galicia do mes de xullo.

SEGUNDO - O 10 e o 19 de outubro de 2018, Miguel Ángel González Delgado presentou escritos de recusación da secretaria xeral de Medios en relación a todos os expedientes relacionados coa súa persoa e coa entidade PLADESEMAPESGA, que foi estimado por Acordo do 5 de novembro de 2018, do Vicepresidente e Conselleiro de Presidencia e Administracións Públicas, no que se nomea como substituto ao subdirector xeral de Réxime Xurídico, da Secretaría Xeral de Medios.

TERCEIRO - Analizada a solicitude de acceso á información pública formulada e visto que a información que solicita entra dentro do ámbito das funcións da Subdirección Xeral de Xestión e Coordinación de Medios segundo o artigo 3 do Decreto 76/2017, do 28 de xullo, de estrutura orgánica dos órganos superiores e de dirección dependentes de Presidencia da Xunta de Galicia, solicitóuselle a información ao dito órgano.

CUARTO- O 19 de novembro de 2018 a Subdirección Xeral de Xestión e Coordinación de Medios remitiu informe.





## FUNDAMENTOS DE DEREITO

### PRIMEIRO- Competencia

De conformidade co artigo 27.3 da Lei 1/2016, do 18 de xaneiro, de transparencia e bo goberno, no ámbito do sector público autonómico, a competencia para a resolución da solicitude de acceso a información relativa a comunicación audiovisual corresponderá á persoa titular da secretaría xeral de Medios.

Non obstante, de conformidade co Acordo do 5 de novembro de 2018, do Vicepresidente e Conselleiro de Presidencia e Administracións Públicas, polo que se admite o incidente de recusación formulado polo interesado, a competencia para resolver este procedemento administrativo corresponderá ao subdirector xeral de Réxime Xurídico da Secretaría Xeral de Medios.

### SEGUNDO- Normativa aplicable

- Lei 9/2013, do 9 de decembro, de transparencia, acceso á información pública e bo goberno.
- Lei 1/2016, do 18 de xaneiro, de transparencia e bo goberno
- Orde do 3 de marzo de 2016 pola que se aproba o modelo normalizado de solicitude de acceso á información pública da Administración xeral e das entidades integrantes do sector público autonómico de Galicia.
- Decreto 76/2017, do 28 de xullo, de estrutura orgánica dos órganos superiores e de dirección dependentes de Presidencia da Xunta de Galicia.

### TERCEIRO- Prazo

De conformidade co artigo 27.4 da Lei 1/2016, do 18 de xaneiro, de transparencia e bo goberno, *“a resolución na que se conceda ou denegue o acceso deberá notificarse, á persoa solicitante e aos terceiros afectados que así o solicitaran, o antes posible e, como máis tarde, no prazo máximo dun mes desde a recepción da solicitude polo órgano competente para resolver”*.





Neste senso, cómpre ter en conta que o artigo 74 da Ley 39/2015, de 1 de outubro, do procedemento administrativo común das Administracións Públicas, establece que a cuestión incidental de recusación suspenderá a tramitación do procedemento, que, segundo o artigo 22.2.c) da Lei 39/2015, esta suspensión será “*desde que esta se plantea hasta que sexa resolta polo superior xerárquico do recusado*”.

En consecuencia, este procedemento para o exercicio do dereito de acceso a información quedou suspenso dende o 10/10/2018 ata o 05/11/2018.

De conformidade co establecido nos artigo 26 e 27 da Lei 1/2016, do 18 de xaneiro, de transparencia e bo goberno e segundo o informado pola Subdirección Xeral de Xestión e Coordinación de Medios,

## RESOLVO

Conceder a Miguel Ángel González Delgado o acceso á información, nos seguintes termos:

1 Toda a información relativa á contratación está dispoñible no perfil do contratante da Administración Xeral e do sector público autonómico, a través da Plataforma de Contratos Públicos de Galicia, no que constan as correspondentes licitacións con referencia aos importes e entidades adxudicatarias dos contratos. Non obstante, achégase copia da Resolución da adxudicación do contrato a favor de C Grupo de Empresas de Comunicación Marketing e Investigación, SA, no que se recollen a totalidade dos datos económicos relativos á campaña de Día de Galicia, así como a porcentaxe da comisión (apartados 1 e 2 da solicitude).

2 Con relación ao solicitado no apartado 3: “*copia da resposta á misiva enviada ao Sr Pablo Manuel Parada Arcas (letrado de Bap Conde) na que se lle facía constar as fontes das noticias*”, non consta ningunha resposta enviada a Pablo Manuel Parada Arcas, no marco das competencias atribuídas polo Decreto 76/2017, do 28 de xullo.

3 A Secretaría Xeral de Medios non ten acceso á documentación solicitada no apartado 4 da solicitude (“*copia dos emails ...*”), ao tratarse de correos entre terceiros alleos á secretaría.





4 Tampouco consta requirimento algún en relación co solicitado no apartado 5 (“copia ou xustificante do requirimento ás fontes da noticia por Bap Conde con dominios web”)

Contra esta resolución, que pon fin a la vía administrativa, poderase interpoñer recurso contencioso-administrativo no prazo de dous meses contados a partir do día seguinte ao da súa notificación ou, previa e potestativamente, poderase interpoñer reclamación ante a Valedora do Pobo no prazo de un mes´contado a partir do día seguinte ao da súa notificación.

Notifícaselle esta resolución a Miguel Ángel Delgado González, con DNI núm. 32413124Y, por medio de notificación electrónica elixida como preferente na súa solicitude, segundo o esixido nos artigos 40 e 41 da Lei 39/2015, de 1 de outubro, do procedemento administrativo común das Administracións Públicas.

Santiago de Compostela, na data da sinatura electrónica que figura á marxe

A secretaria xeral de Medios

*(por substitución, segundo Acordo do 5 de novembro de 2018, do Vicepresidente e Conselleiro de Presidencia e Administracións Públicas)*

O subdirector xeral de Réxime Xurídico

Enrique González Murga

